

Eines Dags stivvelte der Jesus met sing Fründe op der Birg.
Se komen op en Ebene un däten aanhalde;
et woren ärg vill Jüngere dobei;
ävver och andere komen aangelaufe:
Minsche us Judäa, us Jerusalem,
sogar us Tyrus un Sidon, also vun wigg her.

Dann dät der Jesus singe Jüngere en de Auge luure un saht:
Sillig, ehr ärm Hööschte;
 dann för üch is et Rich Goddes do.
Sillig, ehr Hungerligger;
 dann ihr kritt satt ze esse.
Sillig, die ehr jetz am Kriesche sid;
 dann ehr kritt noch vill ze laache.
Sillig, wann üch de Minsche malträteere,
wann se üch exkommelizeere, usschänge un mobbe –
wäge dem Minschesonn;
 dot drüvver laache und loot üch de Freud net nemme;
 der Himmel is üch gewess.
Denkt dran:
Datselve Spill han die ald luuter gemaat met üür Vürfahre,
vür allem met de Profete.

Dat es de Fruhbotschaff för hügg.